

白河縣志

白
馬
羈
羈
羈
羈

光
齋
癸
巳
年
冬

6514240

22.63

白河县志 1-4册

686

:1-4

22.63

686

:1-4

6514240

注 意

1. 借书到期請即送还。
2. 請勿在书上批改圈点、折角。
3. 借去图书如有污損遺失等情形須照价賠償。



史記孔子曰吾欲載之空文不如見
諸行事之深切著明也顧行事不可
必得而空文無乎不備其足以鑒前
人之得失儲後人之法戒者莫如國
史而縣志者國史之推輪也山川有
夷峻土壤有沃瘠風俗有敦薄人事
有進退縣殊治異即志亦惡能強之

光緒癸巳年修

白河縣志

民信施一刑而民畏信畏結於未行
未施之先而行之施之適如其分非
可以權術弋獲也若概視為空文而
空文之亦惡足為民勸懲哉白河與
楚接壤而秦之邊鄙也山阜坡陀繚
以漢江土性宜秫不宜稻疊石為渠
堰易敗而難成民多客籍喜逐末鮮

使同哉握槩者言人人殊而繁簡備
列樸雅異情毋泥古毋徇今毋質勝
毋文浮一準諸義以為斷猶之乎言
治者相其山川土壤風俗人事之所
宜而劑以剛柔濟以寬猛物無定形
形隨法立善無常主主即誠生澄之
以清決之以明持之以貞行一政而

國史之採雖空文有未易副者矧敢曰
行事乎哉

光緒十九年仲春二月調補鳳翔縣
本任白河縣知縣顧騷謹敘

樹蓄遷徙不常士耐清苦能力學近
益蒸蒸上矣縣方躊躇卻顧愧無術
以牖吾民會士大夫以脩志為囑矧
然曰政刑者一時之勸懲而志者百
世之勸懲也所係為尤鉅傳曰言之
不文行之不遠懼諮訪之失實無以
脩辭而備

白河縣志纂修職名

監修

釐金局候補道

陳兆璜

釐金局前署潼商兵備道

魏炳蔚

釐金局前任西安府知府

方其正

鹽運使銜在任候補道興安府知府

童兆蓉

監收


花翎協鎮白河營都司

余得發

總纂

同知銜調補鳳翔縣正任白河縣知縣

顧 霖



亦於白... 法... 處... 漸... 也

或... 十... 不... 有... 仁... 則... 以... 濟... 世... 之... 病... 也

計... 其... 也

此... 之... 故... 聖... 人... 之... 所... 為... 也

白河縣捕廳

莫汝功

採訪

候選教諭 恩貢生

余進

揀選知縣舉人

潘宜經

候選訓導歲貢生

吳自新

候選訓導歲貢生

柴世德

舉人

柴世顯

候選訓導歲貢生

柴世珍

歲貢生

王國初

附生

方秉乾

分纂

六品銜前澄城縣教諭

王賢輔

前漢中府府學訓導

李宗麟

校正

前竹山縣知縣

謝裕三

本署刑席

吳敬修

白河縣訓導

王士坊

白河縣訓導

李東旭

監刊

白河城守營千總

閔立德

附生

張子昭

廩生

邱以訓

附生

阮光堃

記錄

監生

袁承典

從九

吳瑞珍

謄寫

文童

余樹棠

增生

方續祿

監生

陳學秀

文章

毛志士

增生

張擇爻

監生

黃光寶

增生

張曉霞

附貢生

蔡燮勳

附生

劉鳳藻

文章

楊公溥

附生

阮開文

附生

張子昭

廩生

邱以訓

附生

阮光莖

記錄

監生

衷承典

從九

吳瑞珍

謄寫

文童

余樹棠

[The main body of the page contains several columns of text, which are almost entirely obscured by a large, dark, irregular stain or smudge. Only faint, illegible characters are visible through the lighter areas of the stain.]

白河縣志目錄

第一卷

分野

第二卷

沿革 表附

第三卷

疆域 山川渠堰附

第四卷

建置 城池衙署橋渡寨堡界牆附

第五卷

交遊

交遊

世系

世系

世系

世系

世系

世系

世系

世系

世系

世系

世系

世系

人物 忠義孝友仕績學行捍禦任郵耆賓方外

第十一卷

人物 列女

第十二卷

藝文

第十三卷

雜記 災祥附

學校
營制風俗附

第六卷

壇廟
寺觀附

第七卷

田賦
蠲賑戶口課稅倉儲舖司物產附

第八卷

職官
宦績附

第九卷

選舉

第十卷

一百六十六里

竹山界

陶世界

關防

德隆溝

龍觀

香坪

火石溝

南河溝

老坪

水周

安寧鄉

紙房坪

翻溝

厚河

高水橋

秦家坪

馬鞍橋

店子溝

白岩

西溝

後河

白河

牛馬溝

三

東至湖北鄖縣界五里

竹山界

黃龍洞

鄖縣界

東溝

平松石

長橋溝

前河

厚河

署

牛馬溝

署

署

署

署

署

署

署

署

署

署

署

署

縣境全圖

每方十里

西至洧陽縣界一百里

界縣山前北湖至南



界縣西鄆北湖至北



縣治全圖






縣署圖



照



學宮圖




内室

川家

厨房

書房



營署圖



房押簽

官廳

大 堂

門 頭

照 壁



堂

昌閣

門

門


壁

田號舍

舍

古柏

天池書院圖



白河縣志原敘

雍正七年知縣汪

名未詳

始創志稿邑廩生管志善王達心

毛彪序云邑之有志猶國之有史信今傳後詎可一日少

哉白河舊屬漢中後隸興安處深山窮谷之中界秦頭楚

尾之會所係綦重自明成化十二年置縣建官其時人烟


稠集裕國通商儼然與通都大邑媲美及明末屢遭張賊

肆虐人民星散十去其九城市空虛廬舍悉成灰燼迨

本朝定鼎設官分職民之歸而復業者僅十數家耳官斯土

者無不心焉戚之加意招徠竭力懇闢以教以養卒未能

一復舊觀良以土瘠民貧故也戊申歲終汪父母來署縣



志凡忠義之概節孝之風旁徵遠引泚筆直書使後之流覽者亦知其也忠封蔭其子孫某也孝旌表其門閭將見士農工商咸皆感發而興起於以油油然翬翬然相率而游於大道斯所裨誠非淺鮮矣

嘉慶六年知縣嚴一青修縣志有序葉騰蛟有序未錄錄黃衮序云郡邑有志非獨備一方掌故輶軒之採已也爲之紀幅員之廣狹山川之險易戶口之登耗與俗尙之貞淫奢儉便蒞此土者當無事隨時立政順俗成化有事因勢制勝設險衛民無不考之於志得乎所以撫綏禦侮之方也白河自明成化始建縣治葺爾山城當秦楚之衝

事視事之日上體

朝廷愛民之心下恤百姓力田之苦建祠宇修倉廩春耕秋歛

籌畫勞心未暮月而政通人和百廢具舉復於公餘留心

採訪適奉文纂修陝西通志行取各縣簡篇汪父母傳集

善等士民顧而言曰志者所以旌已往勵將來誠有不可

缺者爾諸生生於斯長於斯盡悉夫山川之形勝風俗之

美惡何不各出所知記錄成編以備採擇善等雖不文敢

不黽勉以從然前代人物古蹟及孝子順孫義夫節婦之

類既無宿德長材可訪又無斷碣殘碑足錄畧而未備雖

已成帙亦不過記事已耳敢云志乎哉後有作者纂成縣

將去爰修縣志彼其意豈惟是備一方掌故已耶無亦使
後之繼此治者覽於是書爲之考其山川按其戶口因惕
然於盛衰之無常殷盈之難恃而知前人之因地設險保
我遺黎者心力交瘁顧此瞻烏思所以藉其勞困宜如何
亟亟也予以匪才承乏是邑常恐有負於民而無以繼乎
嚴君之志於是書告成弁牋言於首用以自儆且以勵乎
後之官斯土者因爲之序

明季屢遭兵燹比戶摧殘

國朝定鼎後

聖聖相承厚澤深仁涵煦百餘年駸駸乎一繁昌之會矣嘉慶元年教匪滋事此地遂爲戰爭場死傷轉徙十室九空不轉瞬間而豐亨豫大之形漸成凋瘵於此見羸絀之靡常而民生之不易易也今賊氛將次殄滅撫此瘡痍當如何安集招徠俾得休養生息以漸復乎熙攘之舊其道不可不亟爲講也前令吳興嚴君蒞此土九年時值紛紜凡所爲捍禦撫綏之術無不因時因地竭盡苦心凡此子遺何莫非嚴君呵護卵翼以存之者然其心猶有所未盡於其

前明陝志之美王文簡新城志序備極推崇乾隆間鎮洋
畢中丞重修陝志幕下諸賢苦其簡畧謂非志乘所宜
嗜好攸殊體裁各當未可執一論也白河縣志始於雍
正七年汪公而職官未載其人名字闕如其原序云奉
文修纂畧而未備嚴序亦云僅得稿本是汪志固未付
剞劂也嚴志修於嘉慶六年辛酉其時教匪雲擾軍務
至興或亦未暇蒐羅詳加釐訂故躋駁時所不免辛卯
春驟始下車山長王君弼廷學博李君靈石卽舉縣志
見囑辭以一年後再事編輯今忽忽歲餘矣幸時和年
豐訟牘簡少因取嚴志細勘有不得不爲刊續者爰草

Content area containing vertical columns of text, partially obscured by a large dark smudge.

度典章通行遵奉者詳載會典非秦志所宜專書喬三石耀州志云凡事涉國典海內所共有者不書凡書必有斷制體裁宜爾也嚮讀漢中府志服其形勢詳核朗如列眉惟中載白鹿洞規訝其地非南康人非秦產殊與體例不合願同志慎之以爲前車之鑒

一筆削宜公也舊志有宜沿襲者分野山川城池寨堡積久不變踵事奚增惟舛誤處宜加考正其中建置食貨兩門深苦繁蕪須嚴刪汰有宜賡續者職官選舉人物風俗例從義起事逐時更月旦之評莫嚴於鄉里風霜之筆不沒其是非承祚見譏於索米安石何取於碎金

白河縣志
數則以爲凡例云

一採訪宜周也溯自嘉慶辛酉迄今九十一年其間歲月懸隔耳目未接非勤咨博訪不爲功九成之臺匪一木能構千金之裘惟衆腋乃成五鄉各設一局每局約計三人少則偏絃寡和多則築室鮮成各舉所知毋隱毋徇城內卽隍廟南廂爲志局每月彙稿賚送以總其成凡往來飲食紙筆之費每月約給數金以卹寒峻以專責成

一記載宜擇也明成化十二年始分洵陽東爲白河凡洵陽舊志所載宜分別書之以爲例陝西通志云事關制

圖法壞而風俗益偷獸窮則噬人窮則詐相沿已七年
矣稍加整飭積習已湔而元氣未復培護之不容已也
同治七年創修考棚及奎星樓費用八千餘串而人力
裕如約計斯舉各局薪水及開雕紙墨之費不過舊工
十之一二或撥公款或捐富戶由學校首士籌議卽由
學校首士經理從實核辦不刻不濫足資竣事而已

見見聞聞褒貶互異無張虛美使父母含愧於九泉無
涉深文令子孫莫易其一字其中節烈孝義宦績學行
風化攸關闡揚宜力天地鬼神實式憑之

一援引宜覈也守殘抱闕前哲所譏凡墓誌碑銘行狀宗
譜友朋贈答之文有關於人物事實山川名勝者類宜
摭拾成篇航頭亦有古書井底非無私史無問已刊未
刊詩文類稿咸宜蒼萃而來以備討論所及一行作吏
學殖已荒行笈所攜深慚孤陋務希惠我鴻篇俾獲助
茲獮祭

一經費宜籌也五都之市一閔之集成以貨泉爲命脈自

白河縣志卷一

分野

十二分次昉自保章帝錫金簡鶉首特詳關輔所隸下
遠梁洋瞻茲尺土莫定厥方井鬼之際商洛之陽秦頭
楚尾界判微茫東行屬柳南度入張世無裨梓孰抉災
祥

周禮保章氏鄭注鶉首秦也漢書地理志秦地於天官東
井輿鬼之分野也自井十度至柳三度皆秦之分也又曰
楚地翼軫之分野也今之南郡江郡及漢中汝南郡盡楚
分也洵陽舊屬漢中自割洵爲白東屬鄖陽鄖陽星野主

白河縣志

行

三

按史記天官書東井爲水事其西曲星曰鉞鉞北北河南南河兩河天闕間爲關梁輿鬼爲祠事中白者爲質傷成鉞禍成井誅成質正義曰井主水衡事法令所取平也王者用法平則井星明而端列鉞一星附井之前主伺奢淫而斬之占不欲明月宿井有風雨之變輿主祠事天目也主視明察奸謀中一星爲積屍一名質主喪死祠事占鬼星明大彗成不明百姓散質欲其没而不明爰考書史人事之應藉以自惕云爾

舊志辨翼軫之訛謂置鬼柳星張四宿於何境似非無見以白河爲井鬼之次則偏於西以白河爲柳鬼之次則偏

翼軫不久仍屬金州顧區域所屬無常星次所屬有定元象昭昭不能隨俗爲轉移洵陽志引唐書天文志東井與鬼鶉首也東井居兩河之陰自山河上流當地脈之西北輿鬼居兩河之陽自漢中東盡華陽與鶉火相接當地脈之東南山南之地近於鬼而遠於井又引文獻通考載井八星距西扇北第一星去極六十九度鬼四星距西南星去極六十九度半雖未能確指所主其說較爲詳審未引明史謂西安之商縣華州之洛南皆屬張分茲邑雖小實鶉首之終躔柳張之茅絕也摸稜之說義所不取白在洵東勢同蝸角上應星次僅得幾杪之太恐不應如斯跨越

白河縣志卷二

沿革表附

芒芒禹跡九州攸同惟梁與雍西南所宗毋野之誓率
從自庸錫穴之役名播自崇秦始置郡隸我漢中齊梁
之際元魏稱雄或郡或縣僑寓留蹤唐屬均州五代相
蒙趙宋繼起南北交攻由金而興前明特隆由洵而白
實爲原公憫茲撮壤秦楚要衝往牒具在臚陳始終
書禹貢華陽黑水爲梁州孔疏梁州東據華山之南鄭樵
通志華山之南今華陰之西南上洛漢中洋川安康皆是
書牧誓庸蜀羌髳孔疏庸在漢南

於南謂白河應入鬼宿兼柳宿分野亦於漢書所云井柳
皆秦分有合特恐扣槃捫籥與洵陽志同一歧誤謹摘數
條析言之見天遠人邇有不容以妄測者

魏志建安二十年分錫上庸郡府志作入上庸郡皆誤置都

尉

蜀志劉封傳注曹公使申耽領上庸都尉至建安末為蜀所攻以其郡西屬耽為上庸太守弟儀為西城太守二十

四年降於魏耽徙南陽儀為魏興太守屯洵口

寰宇記晉太康二年魏興郡移理錫縣今豐利縣界東魏

興城是也通志錫縣在今白河東南

隋書地理志梁置南上洛郡西魏改郡曰豐利後周省郡

入上津郡以熊川洋川二縣入豐利通志豐利在今白河

舊唐書地理志魏分錫縣置豐利武德元年屬上洛州

周禮職方氏荊州其川江漢五禮通考胡氏渭曰周禮職方先儒皆謂梁併於雍惟林少隸云江漢發源梁州而職方爲荊州則荆亦兼梁地

春秋傳文公十一年楚伐麇至於錫穴陸德明注錫音弟或作錫星歷反按注經音義以第一條爲主錫穴之錫以羊音爲正後漢書郡國志漢中郡沔陽有鐵錫有錫讀錫爲星歷反自劉昭已濫觴矣

史記秦本紀惠文王十三年攻楚漢中取地六百里置漢中郡

水經注漢水東逕錫縣故城春秋之錫穴王莽之錫治也

元史地理志唐興元府立興元路以鳳金洋三州隸焉通志白河金州地

明史地理志洪武二年四月置陝西等處行中書省九年四月改行中書省爲承宣布政使司 原傑傳析漢中之

洵陽置白河

通志成化八年立白河堡以白石河爲名十二年升縣屬鄖陽府尋改屬金州萬曆十一年改金州爲興安州二十四年升直隸州

國朝因之康熙元年省鄖陽巡撫二年移右布政治甘省左布政駐西安乾隆四十七年興安州升爲府白河屬焉

貞觀十年州廢屬均州府志脫洛字舊志亦脫

五代史蜀王建攻金州全宗朗降置雄武軍職方志晉高

祖置懷德軍尋罷通志唐金州領六縣五代皆仍唐舊陽

志後唐有戎昭軍戎昭係唐昭宗天祐二年置府志無

宋史地理志京西南路節度使領府州十七治襄陽昭化

軍節度使治金州志又云金州隸京西南路惟此一州未

沒於金建炎四年屬利州紹興元年置金房州鎮撫使六

年復隸京西南路九年隸西川宣撫司十年置金房開達

安撫使十三年隸利州路

太祖乾德六年省豐利縣入鄖陽縣

秦

漢

蜀

漢中郡

惠王十三年置

益州

武帝元鼎中置

益州

漢中郡

王莽曰新城

西城郡

建安二十四年入魏為魏興郡

錫縣

錫縣

錫縣

魏太和二年升郡景初元年省為縣

夏商

周

州軍道路省
梁州

荊州

郡國府州
庸國

麋國

楚國

春秋傳文公十一年楚伐麋
春秋傳文公十六年楚人秦人巴人滅庸

縣

錫穴

梁

梁州

改曰南梁州
亦曰北梁州

魏興郡

錫縣

北魏

北梁州

魏興郡

南上洛郡

魏書地形
志有南上
洛無錫

西魏

東梁州

廢帝元年
置三年改
金州

魏興郡

豐利郡

洛郡改

豐利縣

縣置

晉

梁州 惠帝時改

魏興郡

太康二年
移治錫縣
安帝僑寄
南上洛郡

錫縣

宋

梁州

魏興郡

僑寄南上
洛郡

錫縣

齊

梁州

齊興郡

錫縣

五代

蜀

唐

晉漢周

宋

元

雄武軍

戎昭軍

懷德軍

京西南路

建炎四年屬利州路

昭化軍

陝西行中書省

興元路

金州

金州

金州

金州

金州

豐利縣屬均州

豐利縣屬均州

豐利縣屬均州

豐利縣乾德六年省入鄖陽縣

鄖陽縣

通志屬金州

地時洵陽亦省入金州明

洪武三年置

洵陽縣

北周

金州總管府

吉安郡

豐利郡

上津

省人

隋

梁州

煬帝時廢

西城郡

大業三年置

豐利縣

唐

山南東道

高祖武德中置

金州

豐利縣

貞觀

十年屬均州

白河縣志卷三

疆域山川渠堰附

建邑有規準乎地利食土成性鬱為風氣地判窾隆耕
牧異制氣稟剛柔調劑殊致水瀏而清山峭且厲藐茲
彈丸用資屏蔽秦楚一家不分邊裔鍵厥門戶堂奧幽
邃河渠之利民命攸寄累石為堰職司啟閉旱潦弗驚
黍稷是藝嗟我小民罔恤勞勩

邑治北距省垣八百里舊志作千里西距興安郡治四百里明

統志白河在州南北距漢江湖北鄖西縣界三里東距沙

溝府志作湖北鄖縣界五里府志作西距藍灘鋪洵陽縣

明

國朝

陝西行中書省

洪武九年改承宣
布政使司成化十
二年兼隸鄖陽巡
撫

陝西承宣布政使司

康熙元年省鄖陽
巡撫

金州

萬曆十二年改
興安州

興安州

乾隆四十七
年升府

白河縣

成化十
二年置

白河縣

肆虐劉譚猖獗百姓十去其九

國朝定鼎縣官僑居冷水河康熙二十五年始遷今境

移治唐家洲未
知即其地否

形勢前臨漢水後擁天池北岡在左南臺在右通志以爲
秦頭楚尾確矣嘉慶元年枝江教匪聶傑人倡亂二月竹
山城陷由界嶺入據羊兒溝縣令嚴一青禦之殺賊百餘
賊遁魚舵灣二年三月賊陷鄖西縣一青扼漢江爲守賊
知有備悉眾北竄七年九月縣令黃袞禦賊於泰山廟手
刃數賊力戰陣亡山谿之險地利足用而得失錯出殆有
幸有不幸要其功烈感不可沒矣

界一百里南距界嶺湖北竹山縣界一百六十里舊志作一百二十里

里東南至鄖縣界九十里西南至竹山縣界一百八十里

府志作一百六十里東北至鄖西縣界五十里舊志脫從府志補西北界亦未詳西

至洵陽縣治二百八十里東至湖北鄖縣治二百八十里

府志作二百八十五里西南至平利縣治三百七十里府志作二百七十里南

至竹山縣治三百二十里府志作二百八十里北至湖北鄖西縣治

一百二十里府志作一百里

明成化中巡撫原傑安撫流逋割洵陽地三分之一為白

河縣縣治初建鄖邑陡河未開水陸商賈往來輻湊上通

川漢下接鄖襄人民稠密俗有小三原之稱逮明末闖賊

長岡山在縣西九十里小冷水出此亦名長岡嶺

大都山在縣西百里其相近又有二峯山俱為冷水所經

白崖在縣西南三十里石磴盤紆望如積雪

南竹山在縣西南百二十里接湖北竹山界大白石水出

此

五條嶺在縣西南百八十里大冷水出此

龍岡山在縣南二里巖志設山勢起伏如龍唐書地理志

豐利縣有伏龍山在豐利故城南九域志鄖鄉縣有伏龍山通

志宋省縣入鄖鄉疑龍岡山即伏龍山也府志沿革表作鄖陽

廟山在縣南三十里上有神泉旱禱有應

繡屏山在縣治西山頂舊有天池山腰卽縣城東向層疊而下直抵東門又里許卽清風澗在北門外者爲北岡又里許爲金家坪通志按縣圖繡屏山卽鳳嶺別名府志

於乾隆五十三年所引縣志縣圖縣冊應出於汪公志稿嚴志削之非

印臺山一名南臺山嚴志作在縣南一里層巒方正形如

印臺故名又泰山在縣東北一里前臨漢水後連北岡

高家坪在縣西三里又縣西四十里有解家坪在麻虎溝

羅漢洞賈通志在縣西五十里又縣西六十里有高瑱子

洞

中華山在縣西七十里上有中華池四時不涸

多生薇蕨草其草有風不偃無風獨搖通志錫縣故城在

縣東南九域志鄖鄉縣有錫義山名勝志山在鄖縣西百

二百里疑山左有峯曰天柱峯上有三石門通志

當門山兩山相對望之如門見輿地紀勝在洵陽東百七

十里應在藍灘吳家渡之間

黃龍洞洞口僅四尺內寬廣數丈有龍潭深不可測在洵

陽東二百里應入白河以上二條從洵陽志補

漢水縣圖在縣北三里自洵陽界流入又東流入湖北鄖

西縣界水經注漢水又東為龍淵又東逕錫縣故城北為

白石灘又東逕長利谷元和志漢水南去豐利縣二十里

聖母山在縣南百里上有廟今廢其北二十里為茅坪

誤作近白石河多綠竹

平頂山在縣南白二十里接竹山界

文筆峯在縣東南三里孤峯聳削故名

申公嶺在縣東三十里小白石出此

紗帽山在縣東三里山腰有井名溫泉井

魁星山在縣東北七里七峯連亘迤邐如斗通志此山疑屬今湖北鄖

西縣地與縣志互異

錫義山一名天山水經注錫縣有錫義山方圓百里形如城

四面有門上有石壇長十餘丈世傳列仙所居山高谷深

出長岡嶺西流入冷水河縣冊冷水河源出竹山縣界嶺
下西合漫水河又西合馬庄河又東合小冷水河流一百
六十里入漢江

麒麟溝水在縣西六十里源出陳家山北流入漢

麻虎溝水在縣西三十里北流入漢

長春澗水在縣西北一里源出龍岡兩崖花卉四時不絕
故名長春其水北入漢又有洞賓澗在縣西北又有普澤
泉在縣西北一望左右各一穴居民日汲不竭又相近有
普潤泉其水北流入長春澗注於漢

白石河縣圖在縣西南二里水經注漢水東逕錫縣故城

月兒潭在縣西五十里卽漢江也滌迴澄澈有如秋月因名

仙河卽長利水縣圖在縣西北南流入漢寰宇記上津縣

有長利水亦名仙水西北自豐陽縣流入豐利縣界上津縣今

屬湖北鄭西豐陽縣今屬商州山陽

崩頭溝水縣志在縣西百里其水北入漢江有崩頭石在漢水南岸接洵陽界

冷水河在縣西南百六十里源出洵陽縣王鐵嶺北流去

縣七十里入漢江又馬庄河在縣西百二十里源出洵陽

縣七十里入漢江又馬庄河在縣西百二十里源出洵陽

天池在縣南龍岡山上岡阜四起中陷一坪方畝遇雨積

流成池不假人力

嚴志未載 邑人王賢輔記云邑繡屏山後由南門向西紆回而上可二里餘

至巔中注有圓池雜卉環周濶約四五丈水幽幽然無旱

勞望之皆深黑莫能測底舊各天池相傳為地脈所注近

二十餘年來竟舉無冬夏人咸謂山澤之氣不通使然歲

戊寅冬月王邑侯來守此土風政流行百廢俱舉凡有益

於地方者必留心體勘雖荒崖絕壑不憚出入之勞訪知

此池為閭邑風水所關即集紳耆諮議卜吉修濬先期躬

親禱祝及興工日池水湧出三日夜濇濇如久雨涔涔土

度趨觀官紳同慶輔時館郎山同人以事畧函屬為記因

思王侯治長武時傳聞政聲洋洋滿耳今涖白河不數月

年四

而致此嘉祥所謂黍谷回春山靈助信非有懇惻為地方

之誠心胡默默感召如此哉由斯潤澤豐美其利賴吾邑

者當不止蕤兮庶彙溢茲漱澹已也故樂為之記光緒五

龍泉井在縣東門外其水冬溫夏涼

白河系志 卷三 渠堰

六

北爲白石灘縣志白石河在縣西南百二十里源出竹山
界東北流去縣二里入漢江又小白石河在縣東南九十
里亦出竹山界北流入白石河又厚子河在縣南四十里
北流入白石河又紅石河在縣東南八十里縣圖作十五
里源出漫營嶺至縣南十里西北入白石河府志白石河
源出界嶺小白石河源出申公嶺縣冊縣東一里爲清風
澗又有環碧池水入焉又縣南十里有高名澗十五里有白
崖澗二十里有涼水澗其水俱入白石河又縣南十五里
有店子溝縣圖作三十里其水入紅石河
沙溝水在縣東十五里其水入漢接鄖縣界

西壩渠一道水流十里寬四尺深一尺灌田六畝

店子溝渠一道水流十里寬四尺深一尺灌田二十畝

寬坪渠一道水流十里寬四尺深一尺灌田六畝

高庄峪渠一道水流十里寬六尺深一尺灌田四十畝

南岔溝渠一道水流三十里寬四尺深一尺三寸灌田四

十畝

康家坪渠一道水流三十里寬二尺深一尺三寸灌田三十五畝

碾子溝渠一道水流二十里寬四尺深六寸灌田八畝

寬潭溝渠一道水流三十里寬四尺深一尺灌田六畝

縣境溝澗頗多但地無灌溉之田是以並無渠堰見府志按白邑非無渠堰但堙塞日久水利盡廢公帑支絀濬治爲難每歲申詳上憲僅存具文是一餽羊類也謹錄之以補前志之闕白邑僑戶居多素以貿易爲利爾來田疇日闕水堰日增駸駸乎有本末並重之勢惟壘石壅水易起覺端山峻谷深輕旱易潦罅漏百出傾圯堪虞非實力行之烏足以盡地利哉

龍王溝渠一道水流十里寬四尺深一尺灌田十六畝
水田河渠一道水流十里寬四尺深一尺灌田十六畝
東壩渠一道水流十里寬四尺深一尺灌田四十畝

白河縣志卷四

建置

城池衙署橋渡寨堡界牆附

天險匪登地險邱陵鑿斯築斯金湯是憑勇夫重閉况

以國稱雙城繼作

俗以白河為雙城縣

百堵並興而衆陬陬而聲

馮馮壯厥門閭迺辜迺應外嚴規制內杜陰凝津梁遠

遠壁壘幸增匪蟻能濟毋狃使升凡百建置舊貫是仍

明成化十二年立洵陽白河堡為縣城周一百一十二丈

高二丈五尺池深一丈明季城毀

國初縣令徙治冷水河康熙二十五年知縣龍家佐始因

山高下砌石為城周半里許高一丈三寸建門三

舊制未詳今名

以上水渠十一道共灌田二百三十三畝

愛排懼之心根於至誠乎衆志誠則明生乎則事集毅
然爲之食其利者至數十年且未艾白河小邑也舊僅
有城乾隆三十一年丙戌謝君倡議築之高不尋丈廣不
百堵湫隘弁陋民不適所居歲癸丑吳興嚴君來治茲邑
政修人和百廢具舉會山賊竊發衆患城小難守君乃於
城外險峻處相度周遭集父老紳士而觴之曰城小難守
吾欲別築大城以衛之上踞山巔下循山麓依形勢爲曲
折傾巒費矣易以石版築勞矣籠以土用力少而成功多
衆以爲奚若衆始聞築城議皆錯愕不知對及聞擘畫周
詳簡而易從皆起立權呼曰唯使君命計城之廣三千三
百五十六堵不兩閱月而工畢見者莫不詫爲神安知其
至誠之愜於衆志如此哉今歲二月余代理茲土巡視城
垣見輒感喟始信數年來鄰邑困於賊者不知凡幾自河
雖屢告警卒不敢薄城下百姓安堵如故端賴有此則君
之爲功於白河者不小碑記君所自作僅書城郭之廣袤
修築之月日餘皆歸功於民仁人用心不欲自尸其功也
余爲表而出

知縣朱斗南重修迎楓門記曰白邑內外兩城均各三門
而正北一門尤爲往來衝

東曰朝陽南曰迎薰北曰拱極未知改自何時觀迎極門記似在道光十年以後

經營草創僅立始

基乾隆十年知縣羅文思重建三門三十一年知縣謝奉

璋建門樓三座城加以甃高二丈五尺嘉慶二年教匪亂

擾城形如釜底四面崇山難以防守知縣嚴一青始築外

城自土地嶺起至天池嶺周家垭陳家垭探馬溝呂家山

長春寺嶺太山嶺清風溝桃園共二千一百餘丈周一十

四里綠山為城高十餘丈不等勢極險峻名為大寨外

東門曰鎖鑰錫城北門曰天池關鍵南門曰鎮遠

記知縣葉騰蛟跋曰

縣介於邑事無所不當務尤在

先務簿書期會乃筆管墨俗吏能
無俟循吏循吏於簿書期會乃筆管墨俗吏能
也尚有一二事為俗吏所不及知即知亦不能為唯其

年知縣金瑛建頭門儀門各三間東嚮雍正八年知縣劉元清建亭於堂後名曰賞心歲久傾圮乾隆六年知縣唐效堯重修頭門儀門易茅以瓦易石以磚乾隆四十二年知縣李宗信詳請修理大門三間二門三間東西角門二間大堂三間二堂三間書房二間乾隆四十六年又請續修衙署東西角房三間內房五間廚房三間門房三間更馬各夫房四間書辦科房三間差役班房三間又改修賞心亭曰挹漢今廢乾隆五十九年知縣嚴一青於挹漢亭下增築四美亭今廢亭北築半軒三間又於挹漢亭北構室三間室北構樓三間樓西偏構室三間樓東偏構室三

要嘉慶初年教匪滋擾由楚而秦前署任嚴勸諭士民捐
輸增築外城用資捍衛因建北門名曰迎楓以培地勢而
壯觀瞻以稽出入而備寇賊蓋此城一大阨要也顧歷時
既久一切柱礎椽題不無傾圮剝蝕余下車以來嘗欲葺
而新之緣此地工程較多文武兩廟外兼有城隍是以先
彼後此迺於道光十年夏五擇吉鳩工除捐廉及辦公餘
錢外復勸捐三十餘緡助之共費錢六十六緡有奇不兩
月而工竣門樓重新其慶落成所以培地勢而壯觀瞻者
於斯即所以稽出入而備寇賊者亦於斯易日重門擊柝
以禦暴客其是謂乎然則是門之新所關非淺鮮也而量
力輸財襄茲盛舉其功又烏可或沒哉因書
其顛末而並誌好義者之名於右是為序

衙署

縣署在城內正東明成化十二年建中為正廳後為二堂
俱三楹南嚮

同治康熙十年知縣張恪建大堂三間東嚮康熙四十九

城樹蒼茫亦四時之窈緲於是騷人染翰高士裁箋空曠
水雲境靜而詩情淡遠清虛天籟心閒而賦筆離奇放逸
雅同夫謝眺疎狂酷似乎倪迂聽樵唱之悠揚月明初曉
聆魚歌之高下風細橫吹瑞也即壑怡情烟霞積病素耽
汗漫之遊常抱拘墟之耻陳倉古道磻溪尋釣叟之踪隴
坂危途吳嶽訪仙人之址乃今振衣而長肅節屆題糕於
茲引領以徘徊情殷陟屺嘆馳波之浩似知縣嚴一青西坡
森逆者如斯念歲序之遷移後來奚似

小築記曰 白邑居萬山中前臨漢水其城依繡屏山麓翠
壁清泉左縈右抱烟樹深窅屋宇參差望之若

圖畫然癸丑冬予承乏茲士意甚樂之迺然曰是造物置
我於邱壑中也迺於署西偏得向所謂挹漢亭者而登眺

焉亭以結茅爲之廣南劉君所建名曰賞心襄平李君易
茅以瓦始更今亭上東望漢江其水自數百里外迤邐

而來曲岸迴湍半隱半現波光浩渺出沒於雲山沙渚之
間所謂挹漢者非耶雖然亭佳矣前後左右滿目榛蕪與

亭殊不相稱予蒞任數月年豐人和民吏相安乃度亭以
外荒坡數十丈芟去汙萊削平朽壤鳩工庀材而從事焉

坡下有屋三楹甲寅秋大雨巖壁崩頽屋爲所壓予重築
之名曰半軒軒前一小池畜文魚數十頭游行動盪天趣

日... 卷六 衙署

間廚房二間樓北茶廳一間知縣崔萱嘉慶甲子重修二

堂名曰易事知縣朱斗南道光丁亥重修三堂名曰勤政

軒東園花廳雙柏堂咸豐己未知縣楊鼎重修附知縣陳

瑞修挹漢亭序云若夫豐樂名區雅讀歐公之記岐陽喜

斯尋幽選勝以無疲惜舊遊之岑寂緬前輩之芳型復重

新夫室宇聊點綴乎山靈爾乃楚尾奧區秦隅僻地金房

餘脉藉山麓以成城井鬼分疆枕江流而設治爰有冀北

儒生襄平雅誼課讀聽芭蕉之雨尚論古人散衙挹漢水

之波耻為俗吏屋矮兮雲壓三楹竹深兮春留四季倚欄

遠眺喜桑麻鷄犬之盈眸排闥長吟對雪月風花而得意
彼夫繡屏西列雪浪東流起澎湃於魚梁雷奔龍駭望崔
嵬之鳥道霧散螺明旭日映波光而蕩漾晚烟和嵐氣以
輕浮理楫篙師逐驚濤而競去揚帆估客避危磴以斜飛
若乃融和春景花開嶺上天濤蕩秋光霞映水邊紅蓼
避暑則竹嶼風涼遇則梅坡雪皎偶似米家圖畫烟雨
迷離亦如鄭谷山莊樓台環繞峰巒翠聳固八面之玲瓏

而外皆廢區也相度經營再易寒暑而厥功告成今之棟宇崔巍昔之印墟荒穢也今之花木掩映昔之枳棘叢生也吾親匠夫等於工作之際每掘地得屋址十有餘處安知千百年前不亦如今之崔巍而掩映乎又安知千百年後不復如昔之荒穢而叢生乎人事變遷世運升降古今寄同慨焉後有同志其亦將有感於斯文

學署明倫堂三間內房三間廂房各二間大門一座在縣署左

捕署乾隆四十七年典史王祖文詳請修理大堂三間書房二間科房一間班房廚房住房共五間大門二間二門一間乾隆六十年典史吳鏗詳請增修書房二間科房一間住房三間廚房一間又補修大堂三間大門二間二門一間在縣署右

悠然池南一小亭予夏日納涼處也每值三伏頻仍炎威
 恒赫科頭既足跌坐其上更餘人靜萬籟無聲仰見浩月
 凌空清風徐拂洵足披襟而稱快也自軒北上築小樓二
 間樓北構室二楹室取湖舫象名曰舫軒軒空三面窗櫺
 洞開室中琴書尊筆無不備具暇日携繩床冰簟獨坐其
 中焚香一爐煮茗一甌遇涼颯然而至此即陶靖節所
 謂羲皇上人乎軒北築一平臺距地丈餘升高而望山川
 城郭風物之美盡獻目前其南拾級而上有層廊廊南登
 石為池植荷數十本開時紅白交映涼芬襲人臨池一小
 軒予讀書處也夕陽欲流朱華競吐手搖一葵箠倚檻凝
 眺詠杜少陵荷淨納涼之句令人翛然意遠自是而北有
 樓三間名曰愛山其下寢室也樓獨高踞坡巔凡層巒疊
 嶂遠青近碧羅列於數十里內者舉可以軒眉得之其陰
 晴顯晦變幻明滅自辰至酉應接不暇春則時花異卉競
 秀爭妍夏則古樹修篁吟風蔽日秋則星河皎潔爽籟橫
 空冬則雪花亂飛瓊瑤遍野四時之景咸可愛而斯樓獨
 以愛山名者示所至也公暇日與二三賓朋彈碁詠詩或
 以樂上農經相與講論晨夕課童僕抱甕而灌興至時翻
 然長嘯所謂寓情於宇宙之間寄傲於形骸之外者予雖
 不遠古人亦自忘為風塵下吏矣嗚呼予初來西坡自亭

長春橋在縣北一里許跨長春溪上

臨江橋賈通志在縣北一里跨長春溝之尾臨漢江縣冊
卽感化橋

觀瀾橋在縣北一里跨涼水泉左舊有望江樓今廢

邀月橋在縣北一里跨涼水泉右

天然橋在縣西二十里懸崖夾峙架石爲橋出自天成故
名

藍灘渡在縣西一百里漢江上船一隻水夫二名

吳家渡賈通志在縣西九十里漢江上

白石灘渡在縣北三里漢江上船一隻水夫二名

監獄在縣署大門內南獄神祠一間男監二間女監一間
外監三間

都司署咸豐十年置僑居上河街都司余得發捐廉在把
總舊署增建頭門三間號令樓官廳一間隨班兵房一
間大堂三楹川堂一座三堂三間客廳簽押房共三間
宅門內房屋一院

千總署咸豐十年置在柏樹嶺僑居民房每歲裸錢十餘
千以公款不敷尙未建署

把總署舊在南門內後移河街以咸豐十年移順水寺

橋渡

獅子寨在西構杖腦距城五十里寨內周一百一十六丈

青龍寨在里端溝距城八十里周二百七十一丈

蘭王寨在東壩距城一百二十里寨內周一百九十丈古曰

巒王寨一曰巒王寨

聖母寨在聖母山距城一百四十里周一百四十七丈

永安寨在岩屋溝距城九十里寨內周八十九丈

興平寨在西壩規池溝距城一百二十里寨內周三百餘

丈

馬岩寨在安溝距城一百一十里寨內周一百一十餘丈

安成寨在烏龍尖距城一百三十五里寨內周一百二十

漢江渡賈通志在縣北二里漢江上

白石水渡賈通志在縣東一里白石水上

附縣境古橋

清風橋在縣東二里跨清風澗上今廢

漢陽橋在縣東二里

迎仙橋在縣東南二里

寨堡

黃龍寨在黃龍洞腦距城一百里寨內周九十七丈

德義寨在蔓營距城九十里寨內周五十八丈

太平寨在磨石溝腦距城八十里寨內周一百一十二丈

障林起寨在鐵爐溝距城一百里寨內周九十二丈
岩洞寨在柳樹坪距城一百里洞內高四丈二尺深二丈
四尺橫寬三丈五尺

安元寨在孔長溝距城一百里寨內周九十五丈

石嘉寨在關廟河距城一百八十里寨內周一百五十丈

鴻景寨在紅石店距城一百里寨內周六十九丈

萬榮寨在蔓營距城一百六十里寨內周七十八丈

太平寨在姚家河距城一百三十五里寨內周七十三丈

廣福寨在小雙河腦距城一百四十里寨內周七十四丈

清吉寨在黑虎廟腦距城一百八十里寨內周一百七十

三丈

六丈

三義寨在楓樹溝腦距城一百六十里寨內周七十六丈
萬安寨在小白石距城一百三十里寨內周二百七十餘
丈

龍泉寨在南岔溝距城一百四十里寨內周二百二十丈
萬興寨在柳木溝腦距城一百里寨內周五十八丈

龍虎寨在鸚鵡溝腦距城九十里寨內周五十六丈

天元寨在長竹練腦距城二百里寨內周一百一十四丈
三勝寨在岩屋溝腦距城一百五十里寨內周七十三丈
障楚寨在鐵爐溝距城二百里寨內周九十三丈

白岩寨在縣南二十里

隱身寨舊志在縣西南九十里

華皮寨舊志在縣西六十里

柏木寨舊志在縣北六十里

甲口鎮舊志在縣西北甲水入漢之口

飛雲寨在聖母山巔能容數千人界連楚境離城一百二十五里

東岳寨在瞻望亭右離城一百一十里

勝水寨在瞻望亭西離城一百一十五里

玉葵寨在瞻望亭北離城百里

松朶寨在乾溝腦距城一百四十里寨內周一百五十丈

裴家寨在裴家河距城一百七十里寨內周六十八丈

雙慶寨在張家灣腦距城一百一十里寨內周六十七丈

興隆寨在秧田河腦距城九十里係古寨加修寨內周五

十四丈

錦壁寨在石板棋距城一百二十里卽古名淨避寨昔人嘗避亂於此改名錦壁寨內周五十三丈

附古寨堡

長老寨在縣西二十里山極高峻人迹罕到

萬全寨在縣西二十五里

白河他省未練之新兵不如本地之鄉勇本省既屬石...
鄉勇又不如本鄉守堡之團勇自後各縣練勇各守寨堡
不許調往軍營致村莊反遭荼毒其鄉勇固守卡寨以堵
爲勦及州縣實心倡率者與軍功同賞督撫能力行堅壁
清野者與經畧叅贊同一酬庸

聖謨洋洋此教孽之所由感膚功之所由奏也一時大憲奉
行山陬澗曲咸鏟削堙塞以爲固知縣巖一青所修築如
右時竹山鄖西皆糜沸而白河卒無恙雖屬天幸要其稟
承率作爲有自己嘉慶五年七月一青有修築界牆畧云
白邑三十六鄉居民八千餘戶有事分守要隘無事撤令
歸農素係村愚未經操練遇賊恇怯施放鎗炮不免有心

黃土嶺在飛雲寨西離城二十里

新開嶺在飛雲寨東離城百里

以上寨嶺在聖母山左右與湖北接壤要隘攸關君子
觀於鄉而知

王道之隆觀於寨堡而知

廟謨之遠嘉慶五年

詔曰治流賊如治水水之奔潰必堤以防之故辦賊無出勦
堵二端自後以勦捕責成領兵將帥而團練守禦則責成
督撫務期眾志成城人自爲戰限期半載修築告竣又

詔曰他省未練之新兵不如本地之鄉勇本省隔屬召募之

重修龍泉寨記 二 堡以奠民居於是白南麓上

率里人築為雙寨工既戩其子茂才二南從余遊來索記
日龍泉寨居邑南百二十里踞南岔五龍峯之麓兩崖旁
削中盤一逕逶迤而下二水環之巖有舊址昔人已經卜
築因廓為城倚北達南疏為二門中作通衢屋居鱗次望
雉對宇無俟越阡度陌而有互為主客之樂南下里餘地
鏡平微東西抱崖擴為大寨會於丁方而建門焉而上寨
之門遂為重局更阨水置關而外寨更峻固矣其內寨周
二百二十丈高一丈八尺女墻三尺其外寨周五百丈有
奇高城上之半女墻同之關之外則二水交流儼巨津焉
工始於戊午夏成於辛酉春寨之人謂歲月不可以無誌
也敢以請余謂度地居民重門擊楫豈徒以備不虞哉亦
所以一民志善風俗也邑治既遠居索則情睽情睽則好
談今合數十里內之人而聚居焉作則友而出息則族而
談採山釣水秉耒橫經所居有常所習有業保受調賓之
風有即此而復見者昔之人如田子泰之居徐無霍原之
於大費近者如孫鍾元之於百泉皆據險相保多者數千
家少亦不下數十百家耕田鑿井自食其力之餘聚徒講
學明先王之道以相率於忠孝節義民生於是遂人才即
於是出史策書之以為美談今寨之人既以其憂患相卹
者相與同心以其謀安宅行見力田孝弟給公家之稅而

驚手顫之虞計惟憑高據險或有恃得以無恐計自黃龍
洞以西至紫木樹埡一百五六十里與竹山交界界嶺內
係白邑居民自水磨河以北歷金河腦五條嶺至歇馬廠
偏頭山界嶺百餘里出洵陽之大棕溪展圍至漢江口其
間洵白居民錯雜而處自黃龍洞以東至木瓜溝腦一百
餘里亦有界嶺出鄭縣之木瓜溝至漢江口嶺內外係鄭
邑居民地分三道一脈潛通山勢亦互為聯絡若於此修
築界牆一面依恃山險一面隔斷漢江實有永資固守之
勢其崇論偉畧未盡施行謹據崖末以為前事之師云附

董詔修龍泉寨記云

嘉慶二年秋帥幕移檄興商俾建築寨堡以真民居於是白南處土馬驥

白河縣志卷五

學校

營制風俗附

緬漢元始校官特隆逮梁天監郡學始崇炎宋而後靡
邑不同莘莘椀嶽祀我警宗祁祁羽籥肄我澤宮與子
言孝惟父教忠家詠世德里載仁風鶉音不作蛾術斯
攻蹺蹺濟濟小大從公於焉訓俗典學始終

儒學在縣治左明成化十二年知縣普暉建

國朝康熙四十七年知縣徐雲宏趙宏烈修乾隆四十二
年知縣李宗信請

帑重修大成殿三間東廡三間西廡三間戟門三間

遵王道之平康樂和親安平之書上賢大尹且將式禮其
廬以爲一邑勸焉其必有以仰副大府籌畫咨謀之意也
夫旣以語之因綴以辭曰惟錫穴廩舊疆鎮秦雍控荆襄
矗五龍滙二水昔之人已營此因舊貫廓而新聯雙堡啟
重關倚嵯峨嚴守禦何辛整敢予侮食舊德服先疇修里
社燕春秋

工竣於十月仍舊例書其事以見重
修所自兼以告夫後之治是土者

入學額數歲科試文生各只名撥入府學一名歲試武生及

撥府學數同廩生額數十八名兩年一貢增生十八名

天池書院乾隆四十九年建知縣李宗信碑記云義學之制美矣

余欲為茲土修建亦非一日今始獲觀厥成古者家有塾黨有庠今之書院倣古庠塾意以闕其規名不同而

培人材者無不同雖然豈獨人材已哉齊民好尚視乎士習士習端好尚正子朱子謂成人材而厚風俗者此

也白河興郡東南邑古無城亦無書院遭明季兵燹廟社傾圯人民散失迨我聖朝休養生息百數十

年民乃稍聚乾隆三十二年謝君奉璋宰斯邑詳請築城始有都鄙規模四十一年余奉命來茲訪輿情問土

俗彬彬可取猶恐其囿於方隅也慨然有修舉廢墜維

持風化之思既又念民力艱苦諸興作須以漸至越二

年修文廟四年修社稷雷雨壇六年修城隍廟七年修

崇聖祠三間忠孝祠三間節義祠三間名宦鄉賢各一間櫺

星門牌坊各一座知縣李宗信碑記云

今天重道樂淑禮陶

天章雲漢寰海同風煥若尊師之典隆於亘古茂以加矣故萬世師表親頒綸綽俾鄉序黨庠靡不獲

瞻尼山之軌範崇其祀以定一尊土生其間每低徊不能去馬遷云雖不能至心嚮往之誠哉是言也白河古

漢南地嘗被文王之化於先聖之澤切且深事之尤加謹迨明季兵燹倏成荒僻百餘年來絃誦甫集雖有一

畝之宮制度未備歷年久傾圯過半焉余丙申歲承乏來茲首謁壇坫即思有以修葺之而金錢無所出鬱鬱

於衷轆轤不息者閱數年如一日客春謀諸上官請動帑金獲估所構以為程頌白鏗若干兩即徵匠勤事

鳩工腐者易之廢者修之缺者增之聖者新之苦地狹不能宏其規稍崇舊制而已竊喜登其堂風雨攸除也

履其庭鳥鼠攸去也楹廊輝煌然改觀自是鼓徵發篋葦英萃處敦詩說禮言忠言孝於其中循循有規矩

異日者書升掄秀為國家棟梁斯無負聖天子培養人才禮祀聖賢之至意是則余所深望也夫

心亦無不慰已
遂書以紀於石

道光八年重修知縣朱斗南記云
道光七年夏五吉日余

瞻大殿兩廡周覽戟門櫺星金碧輝煌丹鉛壯麗意必
請帑重新始克臻此美盛久之詢悉道光三年七

月前任為之勸輸各同官為之董正問邑紳商為之招
賁伙助頌袖監修故能幸作興事相與以有成也雖然

規模立矣而神龕泮沼諸制未備兼崇聖一祠兩壁欵
斜未及黝聖丹漆蓋美哉猶有憾八年戊子春余與同

僚及紳士等謀竣此工眾皆欣然從事合前後樂輸共
得錢一百餘緡余亦捐廉二十金助之於焉命匠伐石

鳩工庀材不數月而祠宇神龕泮沼諸制煥然更新粹
然大備洵足肅觀瞻而昭誠敬也其工經始於八年未陽

春落成於九年嘉平吉旦是役也可以安神明可以振
士氣雖有為而為儒者弗貴然積善餘慶作善降祥天

人相感之機豈或爽哉邑人士讀書立品好學深思志
聖賢之志行聖賢之行言聖賢之言由此撥巍科登顯

宦內之黼黻王猷外之馳驅皇路直不啻操
券得之而游刃有餘焉余為邑人士望邑人士尤當以

武廟當是時頽墮者興愁苦者息村居密市肆繁讀書聲琅琅學者亦漸以衆白城景象廓然大矣遂決意修建義塾商之司訓王君蘭溪暨邑中紳士議成明年春正舉事於城之東北隅太山廟故址更加展闢坳者平之窪者築之自屏牆而大門而講堂而文昌閣而奎星樓而東西學舍凡房屋十有七間縱橫內外固以磚石不數月大工告竣額曰天池書院前南台後北岡左臨漢水右擁繡屏洵此邦勝境也籍各處官地召民墾種收其稜備講席脩脯猶不足歲捐廉銀四十兩膏火之貲獎賞之費乃畧備焉既成紳士羣相請曰吾儕僻處下邑久慕宏規茲有志之士藉以明學術步雲梯雖吾邑之幸非賢侯之德不及此宜記之以示弗忘余曰唯唯否否余讀廬陵先生吉州學記觀其所以勉勵乎斯人者大都諄諄於孝弟忠信仁義禮智之爲不徒馳逐聲華揣摩詞藝博取功名爲得計也今書院成諸君子督其子弟優遊涵泳於其間異日者本道德發文章鼓吹休明贊襄隆盛而問於其俗冠婚喪祭皆有節文入其家而父言慈子言孝行其郊而頌白者不負於道路人材以成風俗以厚歐公所欣望而欲其如是者余獲親見之則余之心慰諸君子釀金董作經營勞瘁之

國朝白河汎額設把總一員兵丁三十二名歸海陽營守
備管轄咸豐十年陝督樂因關南險奧白河尤屬襟喉三
面毘連荆楚一江直達漢中萬山重複隘口紛歧實入陝
之孔道興漢之門戶水陸兼防最稱要地非重兵把守難
資捍衛年來隣氛告警征調頻仍奏准將白河汎改白河
營既省征戍之苦且免倉卒之虞將長武營都司改白河
營都司白土營千總撥爲白河營專城千總平涼營外委
撥爲白河營左哨隆德營外委撥爲白河營右哨陝安鎮
屬十營撥兵丁二百三十二名添募兵丁二百名白河原
汎把總移駐順水寺額兵五十名撥中營把總一員駐紮

是自勉也因援筆而為之記

中鄉設翹秀館為育才計憫寒士應試無力制產出租息為卷價印紅棚費之備及賓興公車咸有資光緒十六年六月貢生周化南吳自新等議立章程詳督撫學憲刊石以垂久遠四鄉視為圭臬士林交口稱之其詳存禮房冊卷

營制

明兵制設衛所五千六百人為衛千二百人為千戶所百十有二人為百戶所設總旗二小旗十洵陽為興安千戶所屬陝西都司隸右軍都督府

餉米每年領司庫銀二千二百六十六兩六錢八分八釐

風俗

漢書地理志漢中楚分也火耕水耨民食魚稻以漁獵伐山爲業果蠃蛤食物常足故啻蠃媮生而無積聚飲食還給不憂凍餓亦無千金之家信巫鬼重淫祀與巴蜀同

白河地在漢屬漢中郡

寰宇記興安州獵山伐木深有楚風

陳彭年奏劄本州諸縣人戶蕭條路歧荒僻詞訟絕少租賦甚微

舊志鄉民刀耕火種錯居多異地之人聲音五方皆備城

東西壩額兵五十名撥中營經制外委一員駐紮裴家寨額兵三十名均歸白河營都司管轄仍由陝安鎮兼轄光緒五年都司余得發因河道不靖稟請暫將裴家寨經制外委移駐冷水河原估需員弁俸薪廉例蔬燭紙紅銀除朋建外共銀九百五十九兩九錢八分四釐兵丁餉米銀除朋建外共銀八千四百五十九兩五錢七分因軍書房午俸餉俱停藍逆髮逆連年竄擾湖北至夾河關大黃溝二竹等處官兵防堵由縣籌給稻粟鹽菜同治二年興安府撥倉口稅一成五年撥興安蜀河紫陽石泉各處釐金每月給銀一百五十兩光緒二年挑三成兵丁支食八五

風俗之謬莫甚於轉茶士夫家所無鄉氓輒醜然
終第及李代桃僵牆茨之詩所謂中葺之言不可道也王
法所不容而婚姻道苦垂盃至斯非廣爲勸導勤加懲治
不爲功又有所謂鬧房者新婚閨闈許戚里縱觀以爲美
少年輕俊酒酣耳熱游詞穢語窮極形容雖家長莫之能
禁是亦誨淫納侮之階也禮法之士宜申飭之以杜其漸
雀鼠肇爭胎於盛世踵事遞增於今爲烈俗有所謂黑鎗
頭者名列士林身爲鬼蜮蠱人心志毒於辛螫禍人骨肉
銛於矛戟多行不義終以自及嗟乎讀書致用而用於斯
匪稽古之榮而求辱哉佻達之害害於而家講張之患患

市逐末者多三年之蓄無有也山野之民質樸男女不冠不髻

又云土瘠民貧人皆儉樸婚姻以布帛通好居喪以哀慟爲先歲時節序不知往來亦無宴會常時惟濁酒探親而已零星散處無三家村堡無一畝平田亦地勢使然也

婦女不觀燈不踏青不入寺燒香閨門最爲嚴肅舊志所紀習尙樸茂胤吹無驚鵲巢不占文王之化江漢匪遙今古有殊情哉慨自年谷告饑私鑄充斥遇人不淑摧谷與嗟舊姻新特棄予如遺傷哉貧也一變至此返舊俗而敦古處是宜有默濬其源者

賣情弊至分佃地畝其中多有本係山地原佃開墾成
田者取有頂手地內出息應聽原佃戶收用仍於佃約
內註明給地主收執地主不得妄冀分肥至地主欲行
變賣先儘原佃之人或承買或分買如原佃無力置買
始准另賣其佃戶人等如無欠租等事一律換約認主
不得奪佃自種亦不得將原佃起發另招他戶

一佃戶拖欠租課應准地主稟追不得率行奪佃也山內
租種地畝多不契載墾種年分經歷久遠難免不欠租
課如因歲歉無收或因地土瘠薄出產利微該地戶多
年承佃家室衆多應將所欠租課量爲情讓或分年帶

在一邑此司牧之責也竊爲學校惜之

嘉慶十七年董中丞

教增

頒發南州縣章程四條通行

公牘不盡因白邑要於白邑風俗爲切附載於志俾斷獄者一目了然不致爲詭詐所欺藉見當時吏治之勤留心民事爲不可及已

一佃戶契約宜閱載分明也凡地主招佃墾荒必須邀同鄉保人等於契約內註明山地坵段或四至畧數並頂手租課各若干及佃種年分以杜爭估訐訟之端如原佃不能遍種另招佃戶分種亦應邀同鄉地人等公用立約仍由地主出名原佃不得私行轉佃致起

在契約內註明或五年或十年墾地成熟獲利倍多許
地主邀同原議鄉地人等酌加租稞俟加租後仍於原
契內批明加稞年分此後不得再加所加租稞俱不得
過十分之五如地主給佃不愿加租亦於契內載明情
愿永不加租字樣倘佃戶將地轉佃他人或與人分種
從前未曾知會地主眼同鄉地寫立契約者勒限半年
補換契約若故違不遵許地主稟官押逐

一佃戶親屬死亡就地掩埋宜分別立契約也佃戶種地
日久父子相承親屬聚處其有死亡人口不能另行阡
墓或向地主價買穴地或墾求地主給地掩埋事所必

交以紓佃力若並非歉收佃戶藉詞拖欠及逐年尾欠不清許地主稟官究追不得徑行奪佃致肇事端倘佃戶既不完租恃強盤踞及招引匪人私行佃賣証據確鑿該地方官立即押令退佃從重究懲以昭炯戒其地內如有已蓋房屋即令地隣鄉約同業戶公同估價酌給銀兩以作搬移之費

一地主加租須憑鄉地酌定不得多加也山內荒地地主不能自墾有地與無地同一經佃戶墾熟見其獲利較多希圖自種或因原租較少輒思辭佃另招牟利肇興訟端欲止爭訟於後莫如定議於先嗣後佃地之初即



有若不明立契約徒多許告之端嗣後價買山主墳地
憑中立契毋論地之多寡均須註明四址有無應納地
糧亦於契內開載如係山主送給掩埋之地亦須寫立
合同載明送給字樣仍將墳塚穿心酌留前後左右丈
尺以爲祭掃之所憑中畫押主佃各執一紙以杜訟端
倘佃戶私行埋葬控告到官照例起棺另葬仍治以應
得之罪

更有新議八條
後議八條未錄

